

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Broj: 06/1-18-1-553/23
Sarajevo, 14.8.2023. godine

VLADA FEDERACIJE BOSNE I HERCEGOVINE
Generalni sekretarijat Vlade Federacije BiH
gđa. Edita Kalajdžić, sekretar Vlade
Sarajevo

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 17 AUG 2023			
Orb. jed.	Broj	Prilog	Vrijednost
01	GV-04-1062-1	1.1.	1/23

Predmet: Odgovor na inicijativu
Veza: Vaš akt broj: 03-04-925/2023 od 08.08.2023. godine

Poštovana,

U vezi odgovora na inicijativu koju je uputio Odbor za lokalni biznis i turizam Gradskog vijeća Grada Sarajeva, pod brojem 01-GV-04-1062-1.1/23 od 10.07.2023. godine, a koja glasi:

„Odbor za lokalni biznis i turizam Gradskog vijeća Grada Sarajeva, na 20. sjednici održanoj 10.07.2023. godine, u funkciji pripreme 30. sjednice Gradskog vijeća Grada Sarajeva, razmatrao je:

1. Informaciju o broju noćenja i popunjenosti turističkih kapaciteta u gradu Sarajevu u vrijeme novogodišnjih praznika i javnog dočeka Nove 2023. godine i ostvarenim porezima i ostalim prihodima

i podnosi Gradskom vijeću Grada Sarajeva sljedeći:

IZVJEŠTAJ

TAČKA 17.

Vijećnička pitanja i inicijative

Poslije uvodnog izlaganja i diskusija, te sažetka Predsjedavajućeg, Odbor za lokalni biznis i turizam je jednoglasno usvojio sljedeći **zaključak**:

Odbor za lokalni biznis i turizam upućuje inicijativu nadležnim organima vlasti, te Turističkoj zajednici Kantona Sarajevo, odnosno Poreznoj upravi Federacije BiH da poduzmu potrebne mjere i aktivnosti da se uvede sistem elektronske prijave gostiju u privatnom smještaju, te elektronska prijava poreza za privatni smještaj, kao dio novog sistemskog rješenja za odobravanje pružanja usluga iznajmljivanja privatnog smještaja na području Kantona Sarajevo.“

Na gore navedenu inicijativu, dajemo sljedeći:

ODGOVOR

Federalno ministarstvo okoliša i turizma podržava inicijativu Odbora za lokalni biznis i turizam Gradskog vijeća Grada Sarajeva i u potpunosti se slaže s obrazloženjem inicijative, u smislu da je neophodno uvesti sistem elektronske prijave gostiju u privatnom smještaju ne samo u Kantonu Sarajevo već na teritoriji čitave Federacije BiH.

U tom smislu, obavještavamo vas da je Federalno ministarstvo okoliša i turizma u saradnji s Projektom USAID Turizam i Privrednom/Gospodarskom komorom Federacije BiH izradilo dokument Strategija razvoja turizma Federacije BiH 2022.-2027. koji je parlamentarnoj proceduru. Navedeni dokument je sačinjen uz učešće svih kantona, Saveza općina i gradova, Federalnog zavoda za programiranje, Gender centra Federacije BiH, a kroz javnu raspravu u izradi dokumenta su uzeli učešće i predstavnici privatnog sektora, turističkih zajednica kantona, udruženja, obrazovnih institucija i drugi.

U okviru ovog važnog strateškog dokumenta kao jedan od identifikovanih strateških ciljeva je Cilj 2. Transformacija destinacijskog marketinga, Mjera 2.4. Digitalizacija sektora turizma u okviru koje je predviđeno uvođenje sistema E-turizam radi prikupljanja podataka u sektoru turizma. Sistem E-turizam će pomoći boljem prikupljanju informacija od registrovanih pružalaca smještajnih kapaciteta o podsticajima i subvencijama u turizmu, dozvolama, klasifikaciji smještajnih objekata itd., što će dovesti do bolje kontrole boravišnih taksi i biti od koristi za sačinjavanje izvještaja relevantnim javnim institucijama (poput turističkih zajednica, inspekcija, poreznih službi, službe za strance, Ministarstva unutrašnjih poslova itd.).

Predloženi sistem E-turizma, odnosno Elektronski sistem na mreži i mobilnim uređajima omogućavao bi sljedeće: Prijavu i odjavu gostiju – iznajmljivači mogu prijaviti i odjaviti svoje goste u bilo koje vrijeme, a sistem će automatski voditi knjigu gostiju; Registraciju pružalaca smještaja i njihovih sadržaja (vrsta, kategorija, lokacija, smještajni kapacitet); Obračun i kontrolu naplate boravišne takse; Obradu podataka, analizu i izvještavanje u statističke svrhe – sistem E-turizma omogućiti će generiranje različitih izvještaja za potrebe institucija unutar i izvan sektora turizma.

Shodno navedenom, Federalno ministarstvo okoliša i turizma će u 2024. godini pokrenuti aktivnosti vezano za izradu platforme eVisitor, sistema za elektronsko prijavljivanje turista.

Što se tiče pružanja usluga iznajmljivanja privatnog smještaja tzv. iznajmljivača, informišemo vas da odredbe važećeg Zakona o ugostiteljskoj djelatnosti („Službene novine Federacije BiH”, broj: 32/09), kao *lex specialis*, prepoznaje tri moguća oblika registracije za pružanje usluga u oblasti ugostiteljstva:

a. Pravno lice (d.o.o. i d.d.), registrovana kod nadležnog suda u skladu sa Zakonom o privrednim društvima Federacije BiH,

b. Fizičko lice – obrtnik s mogućnošću iznajmljivanja više nekretnina registrovan u skladu sa Zakonom o obrtu Federacije BiH (podložan fiskalizaciji),

c. Fizičko lice – iznajmljivač; isključivo vlasnik nekretnine koju izdaje (fizičko lice registrovano u skladu sa Zakonom o ugostiteljskoj djelatnosti, koje nije obrtnik, ne vrši djelatnost i ne podliježe fiskalizaciji, te prijavljuje porez na prihod kao fizičko lice, uz potrebu evidentiranja gostiju kod Ureda za strance BiH i nadležne turističke zajednice u skladu sa Zakonom o ugostiteljskoj djelatnosti Federacije BiH).

Na ovaj način je uspostavljen jedan vid elektronske prijave gostiju u privatnom smještaju koji se trenutno koristi sve do uspostave sistema E-turizma u Federaciji BiH koji bi uključivao sve nadležne organe i nadležne nivoe vlasti iz oblasti turizma i ugostiteljstva kao jednog jedinstvenog sistemskog rješenja u ovoj oblasti.

S poštovanjem,



Dostaviti:

Naslovu,
Predsjedavajući Gradskog vijeća, gosp. Jasmin Ademović,
a/a.